



PREDSJEDAVAJUĆI
Općinskog vijeća
Vinko Pandža.s.r.



Na osnovu člana 4. Zakona o prekršajima Federacije Bosne i Hercegovine ("Službene novine FBiH", broj 31/06) , člana 12. Zakona o javnom redu i miru ("Službene novine Zeničko-dobojskog kantona", broj 8/2000 i 15/03), člana 27. tačka 3. i člana 49. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 31.05.2007. godine, d o n o s i

O D L U K U

o javnom redu i miru

I – OPĆE ODREDBE

Član 1.

Ovom Odlukom propisuju se prekršaji kojima se povređuje javni red i mir na području Općine Breza, a koji nisu obuhvaćeni odredbama Zakona o javnom redu i miru, koje čine pojedinci, privredna društva, organizacije, zajednice i udruženja građana, svojim postupcima i ponašanjem kojima se remeti normalan način života i rada građana, ometa mir, odmor i pravilno korištenje javnih objekata ili na drugi sličan način narušava javni red i mir, te propisuju sankcije za te prekršaje.

Član 2.

Pod javnim mjestom u smislu ove Odluke podrazumjeva se svako mjesto na koje je dozvoljen slobodan pristup pojedinačno neodređenim licima bez bilo kakvih uslova ili pod određenim uslovima.

II – POSEBNE ODREDBE

Član 3.

Povredu javnog reda i mira u smislu ove Odluke čine postupci i ponašanja kao što su:

1. unošenje i točenje alkoholnih pića za vrijeme održavanja sportskih i kulturnih manifestacija u objektima ili prostorijama u kojima se održavaju ovakvi skupovi,
2. proricanje sudbine, tumačenje snova i bavljenje sličnim obmanama,
3. neovlašteno premještanje, oštećenje ili korištenje suprotno njihovoj namjeni posuda za otpatke i klupa po parkovima, šetalištima i drugim mjestima,
4. korištenje za sjedenje ivica trotoara, prostora i površina ili prodaja robe ispred prodavnica, kioska i ugostiteljskih objekata ili vršenje prodaje robe na trotoaru,
5. zlostavljanje ili na drugi surov i nehuman način postupanje sa životinjama na javnom mjestu, kojim se izaziva uznemiravanje i negodovanje građana,
6. uvođenje ili omogućavanje uvođenja bilo koje životinje u ugostiteljski objekat ili drugi javni objekat, izuzev pasa vodiča za slijepe i slabovidne osobe,
7. držanje opasnih životinja na način kojim se može ugroziti život i zdravlje građana kao i neisticanje vidnih upozorenja na opasnost od takvih životinja,
8. vođenje opasne životinje i pri tome nepoduzimanje potrebnih mjera zaštite kako se nebi ugrozila bezbjednost drugih lica (vezivanjem i stavljanjem odogovarajućih zaštitnih sredstava-brnjica, korpa i drugog),
9. pisanje, šaranje i oštećenje zidova i stubišta stambenih, poslovnih, vjerskih, sportskih, kulturnih i drugih objekata,
10. stavljanje na zidove zgrada, ispred zgrada i ograde predmeta koji mogu povrijediti ili uprljati prolaznike, kao i bacanje čaša, flaša, smeća i sličnih predmeta na javne površine,
11. stvaranje buke pojačanim radom motornog vozila, prijevozom, utovarom i istovarom

robe i drugih predmeta, upotrebom sirena, sječenjem i rezanjem drva i drugih drvenih i metalnih predmeta, odnosno upotrebom uređaja i aparata koji u svom radu koriste pravna i fizička lica prilikom obavljanja određene djelatnosti u vremenu od 22,00 do 06,00 sati zimi, kao i ljeti od 23,00 do 06,00 sati,

12. izvođenje muzike ili upotrebljavanje uređaja za reprodukciju i pojačanje zvuka u ugostiteljskim objektima duže od radnog vremena koje je utvrđeno Odlukom o radnom vremenu, te u toku radnog vremena na način kojim se uznemiravaju građani na otvorenom prostoru ili u svojim stanovima, suprotno Pravilniku o dozvoljenim granicama intenziteta zvuka i šuma (Službeni list SRBiH", broj 46/89),
13. izvođenje muzike i upotrebljavanje uređaja za reprodukciju i povećanje zvuka u baštama ugostiteljskih objekata u vremenu od 22,00 do 06,00 sati zimi i ljeti od 23,00 do 06,00 sati, osim za vrijeme vjerskih obreda ili manifestacija, koje se organizuju povodom državnih i vjerskih praznika, održavanje javnih priredbi i izvođenje takvog programa na otvorenom prostoru i drugim prostorima, uz odobrenje nadležnog organa,
14. igranje nogometa, košarke, tenisa i drugih igara na ulicama, trgovima, parkovima, zelenim i drugim javnim površinama, koje nisu namijenjene za tu svrhu ili u ograđenim površinama, prostorima bez dozvole vlasnika,
15. kupanje na javnim kupalištima, bazenima, rijekama i potocima bez kupaće odjeće, kao i hodanje u kupačkoj odjeći u naseljenim mjestima,
16. uznemiravanje građana upotrebom zvona, kucanjem i udaranjem na vrata stana,
17. stvaranje gužve guranjem ili na drugi način ispred prodavnica, preduzeća, autobuskih stanica, pijaca, sportskih objekata, organizacija i drugo,
18. prskanje prolaznika vodom i prljavštinom ispod točkova vozila u pokretu,
19. vršenje bludnih radnji na javnom mjestu,
20. gaženje, čupanje ili otuđenje sadnica cvijeća i drugog rastinja na javnim površina,
21. neovlaštenu prodaju i postavljanje štandova, grilova i drugih objekata suprotno općinskoj odluci,
22. uništavanje javne telefonske govornice, javne rasvjete, PTT i elektro mreže,
23. lijepljenje parola, plakata i dr. koje su provokativnog karaktera,
24. neovlašteno ulaženje u ograđeni prostor i prostorije preduzeća i drugih pravnih lica, odnosno vršioca samostalne djelatnosti na način koji je suprotan pravilima njihove unutrašnje organizacije,
25. bacanje smeća ili drugih predmeta sa balkona zgrada čime se ugrožava sigurnost lica i imovine,
26. namjerno paljenje smeća, guma i drugog sličnog materijala u kontejnerima i drugim prostorima,
27. konzumiranje alkoholnih pića izvan ugostiteljskih objekata na ulici, trgu, parkovima, spomenicima, pijaci, autobusnoj i željezničkoj stanici, u prevoznom sredstvu javnog saobraćaja, ispred trgovačkih radnji i sl.,
28. nepoštivanje Odluke o kućnom redu u stambenim, školskim i drugim zgradama i objektima, odnosno Odluke o uslovima i načinu korištenja javnih dvorana i sportskih objekata,
29. točenje alkoholnih pića u ugostiteljskim objektima kao i prodaju alkoholnih pića u trgovačkim radnjama osobama ispod 18 godina strosti,
30. ležanje ili spavanje na ulici, putu, klupama u parkovima, čekaonicama, autobuskim stajalištima, pod mostovima i sličnim mjestima,
31. bacanje raznih materijala i predmeta (led, snijeg, kamenje i druge predmete) na prolaznike, vozila i druga prijevozna sredstva kojima se mogu nanijeti povrede i materijalna šteta,

32. prskanje prolaznika šmrkovima prilikom pranja ulica, trotoara, zalijevanja travnjaka ili vrtova kao i bacanje grudvi na građane (prolaznike i sl.),
33. ometanje težih invalida, izrazito starijih i iznemoglih lica, trudnica i lica sa djecom do 5 godina starosti da ostvaruju pravo prvenstva pri ulasku u prodajne, kulturne, sportske i druge objekte, autobuske stanice i sl.
34. neovlaštenu marketinšku prodaju suprotno internim odlukama o zabrani prodaje u javnim ustanovama i institucijama,
35. paljenje i bacanje petardi ili drugih pirotehničkih sredstava na javnim mjestima,
36. neovlašteno izvođenje radova na električnim i telefonskim mrežama u stambenim zgradama za čije je izvođenje potrebno odobrenje i saglasnost nadležnog organa,
37. namjerno zatrpavanje kanala za odvod površinskih voda,
38. neovlašteno uklanjanje zaštita na otvorima za vodovod i kanalizaciju (šahtovi) i nevraćanje na svoje mjesto od strane ovlaštenog radnika nakon izvršenog pregleda čime se dovode u opasnost građani (prolaznici),
39. pristup maloljetnim licima klubovima za igre na sreću na automatima.
40. neovlašteno puštanje domaćih životinja na privatne posjede bez saglasnosti vlasnika odnosno posjednika

Član 4.

Za učinjeni prekršaj maloljetnika protiv javnog reda i mira propisanog ovom odlukom odgovara roditelj, usvojilac odnosno staratelj maloljetnika koji je učinio prekršaj ako je izvršenje prekršaja posljedica njihovog propuštanja dužnog staranja o maloljetniku, a u mogućnosti su da takav nadzor vrše.

Član 5.

Policijska stanica Breza može izdati odobrenje za izvođenje muzike i upotrebu uređaja za reprodukciju muzike ili pojačala zvuka u naselju na otvorenom prostoru kao i ugostiteljskim objektima, pod uslovom da jačina zvuka ne prelazi dozvoljenu buku i to:

1. u zatvorenim prostorijama i baštama ugostiteljskih objekata do kraja radnog vremena, a najduže do 23,00 sati u ljetnom, a u zimskom periodu do 22,00 sata.
2. u barovima do kraja radnog vremena.
3. za vrijeme društveno organizovanih manifestacija, državnih praznika, vjerskih obreda i manifestacija može se izdati posebno odobrenje za izvođenje muzike do kraja radnog vremena.

U odobrenju će se navesti rok važenja i mjere koje korisnik mora preduzimati radi održavanja javnog reda i mira i zaštite od buke.

Policijska stanica Breza može izdati odobrenje staviti van snage, ako se njegov korisnik ne pridržava propisa o javnom redu i miru ili propisa o zaštiti od buke.

Član 6.

Policijska stanica Breza može zabraniti upotrebu sredstava za pojačanje zvuka u naselju na otvorenom prostoru, odnosno izvođenje muzike i upotrebu sredstava za reprodukciju i pojačanje zvuka u ugostiteljskom objektu, ako to zahtijevaju interesi javne bezbjednosti.

Član 7.

Za vrijeme manifestacija, sajмова, priredbi, prigodnih skupova i slično, kada nadležni organ svojim aktom određuje radno vrijeme i dozvoljava upotrebu muzike,

prekršajem se smatra upotreba muzike nakon tako regulisanog radnog vremena.

III – NADZOR

Član 8.

Nadzor nad provođenjem ove odluke vršit će Policijska stanica Breza i općinska komunalna i druga nadležna inspekcija, shodno odredbama Zakona o prekršajima FBiH ("Službene novine FBiH", broj 31/06).

IV – KAZNE NE ODREDBE

Član 9.

Novčanom kaznom od 20,00 KM do 1.000,00 KM kaznit će se fizičko lice ako učini prekršaj iz člana 3. ove Odluke.

Novčanom kaznom od 50,00 KM do 2.000,00 KM kaznit će se odgovorno lice u pravnom licu, odnosno obrtnik, ako učini prekršaj iz člana 3. tačka 1., 11., 12., 13., 21., 29., 32., 34., 36., 38. i 39. ove Odluke.

Novčanom kaznom od 500,00 KM do 7.000,00 KM kaznit će se pravno lice za učinjeni prekršaj iz prethodnog stava.

Član 10.

Za učinjeni prekršaj sud može izreći zaštitne mjere propisane Zakonom o prekršajima Federacije Bosne i Hercegovine ("Službene novine FBiH", broj: 31/06).

V – ZAVRŠNE ODREDBE

Član 11.

Danom stupanja na snagu ove Odluke prestaje da važi Odluka o javnom redu i miru ("Službeni glasnik Općine Breza", broj 4/2000).

Član 12.

Ova Odluka stupa na snagu osmog dana od dana objavljivanja u "Službenom glasniku Općine Breza".

Broj: _____
Breza, 21-04.2016 godine

**PREDSJEDNIK KOMISIJE
ZA STATUT I PROPISE**

Na osnovu člana 24. stav 1. Zakona o građevinskom zemljištu FBiH ("Službene novine FBiH", broj 67/05) i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 31.05.2007. godine, donosi

RJEŠENJE

1. PREUZIMA SE od RMU "Breza" d.o.o. Breza građevinsko zemljište označeno kao k.č.br. 1076/313 zv. "Slatina" upisano u zk.ul.br. 2186 k.o. Breza (s.p.), što odgovara k.č.br. 3260/2 k.o. Župča i k.č.br. 1230/2 k.o. Kamenice (n.p.) u površini od 3830 m², a u svrhu rješavanja imovinsko-pravnih odnosa u postupku utvrđivanja prava vlasništva u korist graditelja objekta.

2. Preuzimanje građevinskog zemljišta vrši se uz naknadu koja će se odrediti u posebnom postupku određivanja naknade, nakon pravosnažnosti ovog rješenja.

3. Zemljišno-knjižni ured Općinskog suda Visoko će po pravosnažnosti ovog rješenja brisati upis dosadašnjeg nosioca prava raspolaganja na zemljištu iz tačke 1. ovog rješenja, a izvršit će uknjižbu prava raspolaganja sa dijelom 1/1 u korist Općine Breza.

O b r a z l o ž e n j e

Postupak preuzimanja građevinskog zemljišta poblje označenom u tački 1. dispozitiva ovog rješenja, pokrenut je radi rješavanja imovinsko-pravnih odnosa u postupku utvrđivanja prava vlasništva u korist graditelja objekta, izgrađenog bez prava korištenja zemljišta.

U provedenom postupku utvrđeno je da se predmetno zemljište u zemljišnoj knjizi vodi kao državna svojina sa dijelom od 1/1, a RMU "Breza" d.o.o. Breza vodi se kao organ raspolaganja.

Takođe, u postupku preuzimanja građevinskog zemljišta u skladu sa članom 24. stav 2. Zakona o građevinskom zemljištu FBiH, izvršeno je saslušanje punomoćnika organa raspolaganja RMU "Breza" d.o.o. Breza, koji je izjavio da se ne protive preuzimanju predmetnog zemljišta, jer je Nadzorni odbor RMU "Breza" d.o.o. Breza Odlukom broj: OI-1-17/07 od 19.04.2007. godine, odobrio preuzimanje predmetnog

građevinskog zemljišta uz naknadu.

Na licu mjesta izvršena je identifikacija predmetnog zemljišta i utvrđeno je da se radi o zemljištu koje je označeno kao k.č.br. 1076/313, upisano u zk.ul.br. 2186 k.o. Breza (s.p.), koja odgovara k.č.br 3260/2 k.o. Župča i k.č.br. 1232/2 k.o. Kamenice u površini od 3830 m².

Shodno članu 69. Zakona o građevinskom zemljištu FBiH, odlučeno je da RMU "Breza" ima pravo na novčanu naknadu.

Kako su se u konkretnom slučaju stekli uslovi iz člana 24. i 43. Zakona o građevinskom zemljištu FBiH za preuzimanje građevinskog zemljišta iz posjeda nosioca prava raspolaganja, to je riješeno kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe kod Kantonalnog suda u Zenici u roku od 30 dana od dana prijema rješenja.

Tužba se podnosi neposredno sudu u dva primjerka.

Ovo rješenje će se objaviti u “Službenom glasniku Općine Breza”.

Broj: 01/1-02-1856/07
Breza, 31.05.2007.godine

PREDSJEDAVAJUĆI:
Općinskog vijeća
Vinko Pandža,s.r.

[illegible]

Na osnovu člana 6. i 44. Zakona o građevinskom zemljištu FBiH ("Službene novine FBiH", broj 67/05), člana 5. Odluke o građevinskom zemljištu ("Službeni glasnik Općine Breza", broj 3/04 i 9/06) i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 31.05.2007. godine, donosi

RJEŠENJE

1. "ASI" d.o.o. Breza, dodjeljuje se na korištenje radi građenja neizgrađeno gradsko građevinsko zemljište označeno kao:

41. k.č.br. 751/16 upisano u zk.ul.br. 1756 k.o. Smrekovica (s.p.), što odgovara k.č.br. 136/7 k.o. Mahala (n.p.), u površini od 367 m²,
42. k.č.br. 751/15 upisano u zk.ul.br. 1756 k.o. Smrekovica (s.p.), što odgovara k.č.br. 136/8 k.o. Mahala (n.p.), u površini od 482 m²,
43. k.č.br. 751/14 upisano u zk.ul.br. 1756 k.o. Smrekovica (s.p.), što odgovara k.č.br. 136/9 k.o. Mahala (n.p.), u površini od 517 m²,
44. k.č.br. 751/13 upisano u zk.ul.br. 1756 k.o. Smrekovica (s.p.), što odgovara k.č.br. 136/10 k.o. Mahala (n.p.), u površini od 367 m²,
45. k.č.br. 751/12 upisano u zk.ul.br. 1756 k.o. Smrekovica (s.p.), što odgovara k.č.br. 136/11 k.o. Mahala i k.č. 1052/2 k.o. Breza (n.p.), u površini od 427 m²,
46. k.č.br. 751/11 upisano u zk.ul.br. 1756 k.o. Smrekovica (s.p.), što odgovara k.č.br. 136/12 k.o. Mahala i k.č.br. 1052/3 k.o. Breza (n.p.), u površini od 347 m²,
47. k.č.br. 751/10 upisano u zk.ul.br. 1756 k.o. Smrekovica (s.p.), što odgovara k.č.br. 136/13 k.o. Mahala i k.č.br. 1052/4 k.o. Breza (n.p.), u površini od 391 m²,

1/99, 4/99 i 7/99), Općinsko vijeće Breza na sjednici održanoj dana 31.05.2007. godine, donosi

R J E Š E N J E

1. “TERMO-BETONU” d.o.o. Breza, dodjeljuje se na korištenje, radi građenja, neizgrađeno gradsko građevinsko zemljište, označeno kao:

- 51.k.č.br. 700/69 upisano u zk.ul.br. 1756 k.o. Smrekovica (s.p.), što odgovara k.č.br. 683/3 k.o. Breza,
 - 52.k.č.br. 700/70 upisano u zk.ul.br. 1756 k.o. Smrekovica (s.p.), što odgovara k.č.br. 683/4 k.o. Breza,
 - 53.k.č.br. 700/71 upisano u zk.ul.br. 1756 k.o. Smrekovica (s.p.), što odgovara k.č.br. 683/5 k.o. Breza,
 - 54.k.č.br. 700/72 upisano u zk.ul.br. 1756 k.o. Smrekovica (s.p.), što odgovara k.č.br. 683/6 k.o. Breza,
 - 55.k.č.br. 700/73 upisano u zk.ul.br. 1756 k.o. Smrekovica (s.p.), što odgovara k.č.br. 683/7 k.o. Breza,
 - 56.k.č.br. 700/74 upisano u zk.ul.br. 1756 k.o. Smrekovica (s.p.), što odgovara k.č.br. 683/8 k.o. Breza
- ukupne površine 1470 m² u svrhu izgradnje stambeno-poslovnih objekata.

2. Naknada za dodjeljeno gradsko građevinsko zemljište iz tačke 1. ovog rješenja utvrđuje se u iznosu od 106.888,28 KM.

Navedeni iznos “TERMO-BETON” d.o.o. Breza je dužna uplatiti u roku od 8 dana od dana prijema ovog rješenja na račun Budžeta Općine Breza

- broj: 1602000023507876, koji se vodi kod Vakufske banke – vrsta prihoda: 721231, šifa Općine 016.

3. Po pravosnažnosti ovog rješenja Zemljišno knjižni ured Općinskog suda u Visokom izvršit će uknjižbu prava korištenja, radi građenja, na zemljištu iz tačke 1. dispozitiva ovog rješenja u korist “TERMO-BETONA” d.o.o. Breza, sa dijelom 1/1.

O b r a z l o ž e n j e

Na konkurs za dodjelu neizgrađenog gradskog građevinskog zemljišta državne svojine, u svrhu gradnje stambeno-poslovnih objekata u ul. Salke Bešlagića, prijavio se “TERMO-BETON” d.o.o. Breza, sa ponudom za dodjelu neizgrađenog gradskog građevinskog zemljišta opisanog u tački 1. dispozitiva ovog rješenja po ukupnoj cijeni od 106.888,28 KM.

Komisija za sprovođenje Konkursa za dodjelu neizgrađenog gradskog građevinskog zemljišta u državnom vlasništvu na trajno korištenje, nakon provedenog konkursa utvrdila je da je “TERMO-BETON” d.o.o. Breza, od ukupno dvije punovažne ponude, ponudio najveću cijenu, te je komisija predložila Općinskom vijeću Breza da navedenom ponuđaču dodijeli predmetno zemljište na korištenje radi građenja.

Na osnovu naprijed izloženog, a shodno članu 25. Odluke o građevinskom zemljištu riješeno je kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor kod Kantonalnog suda u Zenici u roku od 30 dana od dana dostavljanja rješenja.

Ovo rješenje će biti objavljeno u “Službenom glasniku Općine” Breza.

OPĆINA BREZA
Općinsko vijeće

Broj: 01/1-02-1860/07
Breza, 04.06.2007.godine

Na osnovu člana 50. stav 3. Statuta Općine Breza, ("Službeni glasnik" broj 1/99, 4/99, 7/99), prilikom razmatranja usmene Informacije po pitanju liječenja građana Općine Breza u Kliničkom centru Sarajevo, Općinsko vijeće Breza na sjednici održanoj dana 31.05.2007. godine, d o n o s i

ZAKLJUČAK

I

DAJE SE puna podrška vođenju aktivnosti općinskih načelnika općina: Vareš, Visoko, Olovo i Breza na davanju inicijative za upućivanje u hitnu proceduru za izmjene Zakona o zdravstvenom osiguranju Federacije Bosne i Hercegovine.

II

Za realizaciju zaključka zadužuje se Općinski načelnik.

DOSTAVLJENO:

1x Općinski načelnik,
1x Načelnici općina: Vareš, Olovo i Visoko,
1x 01/1,
1x Arhiva.

PREDSJEDAVAJUĆI

Općinskog vijeća
Vinko Pandža, s.r.



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Broj: 01/1-02-1859/07
Breza, 04.06.2007.godine

Na osnovu člana 50. stav 3. Statuta Općine Breza, ("Službeni glasnik Općine Breza", broj 1/99, 4/99, 7/99), prilikom razmatranja Programa utroška sredstava sa kriterijima raspodjele sredstava "Subvencije za razvoj poljoprivrede" utvrđenih budžetom Općine Breza za 2007. godinu, Općinsko vijeće Breza na sjednici održanoj 31.05.2007. godine, donosi

ZAKLJUČAK

I

DAJE SE saglasnost na Program utroška sredstava sa kriterijima raspodjele sredstava "Subvencije za razvoj poljoprivrede" utvrđenih budžetom Općine Breza za 2007. godinu.

II

Za realizaciju ovog Zaključka zadužuje se Služba za privredu, finansije i opću

preventivno u cilju prečavanja nastajanja prirodne ili druge nesreće i učestvuje u vježbama i drugim vidovima obučavanja i osposobljavanja.

III – ORGANIZACIJA I SASTAV OPĆINSKOG ŠTABA

Član 3.

Općinski štab čine komandant, načelnik i 8 članova.

Član 4.

Komandant Općinskog štaba je po položaju jedan od pomoćnika Općinskog načelnika.

Član 5.

Pomoćnik načelnika za poslove Civilne zaštite, po položaju je načelnik Općinskog štaba.

Član 6.

Sekretar Općinskog Crvenog križa je po funkciji član Općinskog štaba.

Član 7.

Članovi Općinskog štaba iz općinskih službi i drugih institucija su:

1. Pomoćnik načelnika za prostorno uređenje, zaštitu okolice, geodetske i imovinsko-pravne poslove,
2. Rukovodilac vatrogasne jedinice RMU Breza,
3. Šef Odjeljenja i viši stručni saradnik za poljoprivredu i vodoprivredu,
4. Tehnički direktor ili zamjenik tehničkog direktora RMU Breza,
5. Direktor Javne ustanove Dom zdravlja Breza,
6. Direktor Javnog preduzeća "Veterinarska stanica" Breza,
7. Direktor Javne ustanove Centar za socijalni rad Breza.

Član 8.

Komandanta, načelnika i članove Općinskog štaba postavlja i razrješava Općinski načelnik na prijedlog šefa Službe civilne zaštite koji je usaglašen sa rukovodiocima službi i institucija iz člana 7. ovog Zaključka s tim što su rukovodioci dužni obezbjediti dosljednu primjenu kriterija iz odredbe člana 7. ovog Zaključka

Općinski štab vrši poslove iz svoje nadležnosti samostalno i za svoj rad je odgovoran Općinskom načelniku.

Član 9.

U izvršavanju složenijih zadataka zaštite i spašavanja Općinski štab može angažovati i druge državne službenike iz općinskih organa uprave i eksperte na profesionalnom radu u naučnim ustanovama i drugim pravnim licima.

O angažovanju lica iz stava 1. ovog člana odlučuje komandant Općinskog štaba, na prijedlog načelnika ili nekog od članova Općinskog štaba.

Član 10.

Sjednice Općinskog štaba saziva i njima predsjedava komandant Općinskog štaba.

U slučaju da je komandant spriječen da vrši svoju funkciju sjednice Općinskog štaba saziva i predsjedava načelnik Općinskog štaba.

Općinski štab će donijeti Poslovnik o radu.

Član 11.

Općinski štab ima pečat koji se izdaje u skladu sa Zakonom o pečatu Federacije Bosne i Hercegovine ("Službene novine Federacije BiH", broj 2/94 i 21/96.

IV – OPREMANJE I FINANSIRANJE

Član 12.

Općinski štab se oprema odgovarajućom opremom i materijalno-tehničkim sredstvima koja su neophodna za ličnu zaštitu članova Štaba i za izvršavanje zadataka iz njegove nadležnosti.

Član 13.

Sredstva za finansiranje Općinskog štaba obezbjeđuju se u budžetu Općine kao i iz sredstava iz člana 180. Zakona o donacija.

Sredstva potrebna za rad Općinskog štaba, kao i finansijski plan, utvrđuje Štab.

Naredbodavac za finansijska sredstva je Komandant Općinskog štaba, a u slučaju njegove spriječenosti, načelnik Štaba.

V – PRELAZNE I ZAVRŠNE ODREDBE

Član 14.

Imenovanje komandanta, načelnika i članova Općinskog štaba izvršit će se najkasnije u roku od 15 dana od dana stupanja na snagu ovog zaključka.

Član 15.

Ovim Zaključkom stavlja se van snage Zaključak o osnivanju Općinskog štaba civilne zaštite broj: 01/2-49-58/2004.godine od 19.02.2004. godine.

Član 16.

Ovaj Zaključak stupa na snagu danom donošenja, a naknadno će se objaviti u "Službenom glasniku Općine Breza".

Općinski načelnik
Seid Smailbegović, s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinski načelnik

Broj: 01/2-05-1111/07
Breza, 09.04.2007.godine

R J E Š E N J E
o razrješenju komandanta, načelnika i članova
Općinskog štaba civilne zaštite Breza

1

1. Omer Omerhodžić, komandant,
2. Huso Herco, načelnik Općinskog štaba civilne zaštite,
3. a) Kemal Nefić, član Općinskog štaba civilne zaštite,
b) Smajila Omerhodžić, član Općinskog štaba civilne zaštite,
c) Sabit Begić, član Općinskog štaba civilne zaštite,
d) Kasim Velić, član Općinskog štaba civilne zaštite,
e) Raif Dervišević, član Općinskog štaba civilne zaštite,
f) Sead Muratović, član Općinskog štaba civilne zaštite,
g) Nusret Velić, član Općinskog štaba civilne zaštite,
h) Fikret Salčinović, član Općinskog štaba civilne zaštite,
i) Zlatan Lovrić, član Općinskog štaba civilne zaštite,

11

Općinski načelnik
Seid Smailbegović, s.r.

[illegible]

Na osnovu člana 8. stav 1. Zaključka o osnivanju Općinskog štaba civilne zaštite, Općinski načelnik na prijedlog Službe civilne zaštite Općine Breza, d o n o s i:

- 83. Odluka o izmjeni Odluke o građevinskom zemljištu.
- 84. Odluka o javnom redu i miru.
 - 87. Rješenje o preuzimanju od RMU "Breza" d.o.o. Breza građevinsko zemljište u površini od 3830 m² u svrhu rješavanja imovinsko-pravnih odnosa.
 - 89. Rješenje kojim se "ASI" d.o.o. Breza dodjeljuje na korištenje radi građenja neizgrađeno gradsko građevinsko zemljište u površini od 4063 m².
 - 90. Rješenje kojim se "Termo-betonu" d.o.o. Breza dodjeljuje na korištenje radi građenja neizgrađeno gradskog građevinskog zemljišta u površini od 1470 m².
 - 91. Zaključak da imenovanje trećeg člana Općinske izborne komisije Općine Breza izvrši Centralna izborna komisija BiH.
 - 92. Zaključak kojim se daje puna podrška vođenju aktivnosti općinskih načelnika: Vareš, Visoko, Olovo i Breza na davanju inicijative za hitnu proceduru za izmjene Zakona o zdravstvenom osiguranju Federacije BiH.
 - 93. Zaključak kojim se daje saglasnost na Program utroška sredstava sa kriterijima raspodjele sredstava "Subvencije za razvoj poljoprivrede" utvrđenih budžetom Općine Breza za 2007.godinu.
 - 93. Zaključak o osnivanju Općinskog štaba civilne zaštite.
 - 96. Rješenje o razrješenju komandanta, načelnika i članova Općinskog štaba CZ.
 - 97. Rješenje o postavljenju komandanta, načelnika i članova Općinskog štaba CZ.

